

## CONVENIO DE COLABORACIÓN ENTRE A UNIVERSIDADE DE SANTIAGO DE COMPOSTELA E A INSTITUCIÓN DO VALEDOR DO POBO PARA A REALIZACIÓN DO I CONGRESO IBERO-AMERICANO SOBRE NOVOS DESAFÍOS XURÍDICOS (I CIBENJUR).

Santiago de Compostela, 17 de xuño de 2015

Dunha parte, o Excmo. Sr. Don Juan Manuel Viaño Rey, Reitor da Universidade de Santiago de Compostela, con CIF Q1518001A, e domicilio na Praza del Obradoiro, s/n, 15705 Santiago de Compostela, actuando en nome e representación da mesma, en virtude das facultades que lle confire a Lei Orgánica 6/2001 de Universidades do 21 de decembro e do Decreto 28/2004, do 22 de xaneiro, polo que se regulan os Estatutos da Universidade de Santiago de Compostela.

Doutra parte, o Excmo. Sr. D. José Julio Fernández Rodríguez Valedor do Pobo (e.f.) actuando en nome e representación da institución do Valedor do Pobo CIF: S-6500009-C en virtude das facultades que lle confire a Lei 6/1984, do 5 de xuño, do Valedor do Pobo, publicada no Diario Oficial de Galicia nº 135, do día 14 de xullo do mesmo ano,

Ambos os dos representantes, recoñécense mutuamente capacidade xurídica suficiente, subscriben en nome das respectivas entidades o presente convenio, e para o efecto,

### EXPOÑEN

**PRIMEIRO.-** Que a USC é unha Entidade de Dereito Público que desenvolve actividades de formación, investigación e desenvolvemento científico e tecnolóxico, interesada en colaborar cos distintos sectores da sociedade para asegurar os fins da formación e a investigación.

**SEGUNDO.-** Que segundo o artigo 4 dos Estatutos da USC para o mellor desenvolvemento das súas funcións, a Universidade de Santiago de Compostela propiciará o establecemento de relacións con outras Universidades, organizacións e institucións, moi en particular coas de carácter académico, científico e cultural.

**TERCEIRO.-** Que o Valedor do Pobo, como alto Comisionado do Parlamento de Galicia para a defensa, no ámbito territorial da Comunidade Autónoma, dos dereitos e liberdades fundamentais e das liberdades públicas recoñecidas na Constitución,

estenderá a súa actividade á tutela dos dereitos individuais e colectivos emanados do Estatuto de Autonomía e , en especial nos sancionados no seu título preliminar

**CUARTO.-** Que tanto o Valedor do Pobo como a USC están de acordo en establecer unha colaboración para a realización do “I Congreso Ibero-Americano sobre Novos Desafíos Xurídicos”.

Tendo en conta o exposto ambas partes toman os seguintes

### ACORDOS

#### PRIMEIRO.- OBXECTO DO CONVENIO

O obxecto deste convenio é a colaboración entre a USC e o Valedor do Pobo para a realización do “I Congreso Ibero-Americano sobre Novos Desafíos Xurídicos”, que se celebrará os días 29 e 30 de outubro de 2015, convocado USC.

#### SEGUNDO.- COLABORACIÓN DO VALEDOR DO POBO

Para a realización das actividades do presente convenio, o Valedor do Pobo financiará parte dos gastos do Congreso correspondentes ao pagamento dos custes de carpetas, bolígrafos, folios cartelería, dípticos..., por un importe de 1.499,61 € con cargo á partida: 01.02.111B.444.00, nas condicións e cos requisitos sinalados na memoria xustificativa e na resolución do Valedor do Pobo, que se incorporan como anexos a este convenio, sendo aboados á Universidade de Santiago de Compostela na conta do banco Santander nº: 0049 2584 90 2214002210.

#### TERCEIRO.- COLABORACIÓN DA USC

A Universidade de Santiago de Compostela, a través da dirección do curso, obrígase a incorporar de forma visible en letreiros, carteis, publicacións e material de difusión relacionados coa actividade subvencionada o logotipo do Valedor do Pobo para a debida difusión da súa colaboración na realización do curso.

#### CUARTO.- SEGUIMENTO

Unha persoa designada para o efecto en representación da USC, e un representante designado polo Valedor do Pobo, se encargarán da supervisión da execución do

convenio, da súa interpretación e da resolución dos conflitos derivados da súa aplicación.

#### QUINTO.- VIXENCIA

O presente convenio entrará en vigor na data da súa firma e finalizará unha vez celebrado o devandito Congreso e efectuados os pagamentos derivados do mesmo, non podendo ser renovado.

#### SEXTO.- XURISDICIÓN

O Valedor do Pobo e a USC comprométense a resolver de maneira amigable calquera desacordo que poida xurdir no desenvolvemento do presente convenio.

No seu caso, as partes contratantes someterán as diverxencias que puidesen presentarse en orden á interpretación ou cumprimento do presente Convenio á xurisdición Contencioso-Administrativa.

E en proba de conformidade de canto antecede, asinan por duplicado o presente documento no lugar e data arriba indicados.


Pola USC



Juan M. Vialón Rey  
O Rector



Polo Valedor do Pobo



José Julio Fernández Rodríguez  
Valedor do Pobo (e.f.)



## MEMORIA XUSTIFICATIVA DO EXPEDIENTE TRAMITADO PARA A CONCESIÓN DUNHA SUBVENCIÓN AO I CONGRESO IBERO-AMERICANO SOBRE NOVOS DESAFIOS XURÍDICOS (I CIBENJUR)

En base á solicitude formulada polo coordinador do devandito Congreso, da apertura do expediente decretada polo Valedor do Pobo e do informe de existencia de crédito, redactase a presente memoria xustificativa da concesión da subvención de 1.499,61 € co gallo de contribuír a financiar o “I Congreso Ibero-Americano Sobre Novos Desafíos Xurídicos” convocado para os días 29 e 30 de outubro de 2015, que terán lugar na Facultade de Dereito de Santiago de Compostela. Considerando:

Primeiro: Que existen razóns de interese público na celebración deste Congreso pola súa vertebración en torno a un dos seus eixes temáticos consistente no análise dos Dereitos Humanos na orde Ibero-Americana e na garantía dos dereitos fundamentais a través da figura do Ombudsman.

Segundo: Que a subvención ten carácter excepcional dada a vinculación da temática a tratar coa da institución do Ombudsman segundo se reflicte do programa provisional que conta cun primeiro módulo dedicado ao “Desarrollo de la protección de los Derechos en Iberoamérica y la labor del Ombudsman en España e Iberoamérica”, e en aras a garantir a independencia dos traballos desenvolvidos e a obxectividade das súas conclusións acadadas outorgándose sen concorrencia ao abeiro do artigo 19.4.c) e do artigo 26 da Lei 9/2007 de Subvencións de Galicia

Terceiro: Que a subvención solicitada ao Valedor do Pobo de 1.499,61 € ten por obxecto financiar o pago dunha parte dos gastos ocasionados pola organización do devandito Congreso tal como se reflicte na memoria económica achegada polo coordinador (custes correspondentes a carpetas, bolígrafos, folios, cartelería, dípticos, lona impresa, páxina web do Congreso e aloxamento e creación de correos da páxina web), imputándose á aplicación orzamentaria correspondente (Transferencias correntes a Universidades Públicas da Comunidade Autónoma).

Cuarto: O beneficiario da subvención é Universidade de Santiago de Compostela.

Quinto: O importe da subvención financiará unha porcentaxe do 49,99% sobre os custos totais de celebración.

Sexto: As fontes de financiación do devandito Congreso serán segundo a solicitude remitida as seguintes: 500 € achegados pola Universidade de Santiago de Compostela destinados a cubrir os custos de aluguer de espazos e instalacións, 1.499,61 € achegados pola institución do Valedor do Pobo destinados a cubrir os custos de material (carpetas, bolígrafos, folios...) e as cotas dos participantes que aboarán unha taxa unitaria de 20,00 € por cada asistente, os cales cubrirán os gastos ocasionados polos poñentes ( custes de desprazamento e aloxamentos). Por tanto a subvención concedida será compatible con outras axudas que se reciban polas citadas fontes, quedando obrigada a organización do Congreso a dar conta destas circunstancias ao

Valedor do Pobo, así como de outras derivadas das letras a) a d) do artigo 11 da Lei autonómica 9/2007 de subvencións de Galicia.

Sétimo: O pagamento efectuarase una vez realizado o Congreso e previa xustificación pola organización do mesmo do gasto realizado.

Oitavo: A xustificación da finalidade da subvención e maila súa aplicación farase mediante a presentación de fotocopia compulsada das facturas acreditativas dos gastos de organización, no prazo máximo de tres meses desde a data de remate do devandito Congreso, e certificación acreditativa do importe total das axudas percibidas que financian a actividade.



Noveno: O incumprimento da obriga de xustificar os gastos de organización nos que se teña incorrido dará lugar á perda da subvención concedida na parte non xustificada.

Décimo: A publicidade do outorgamento desta subvención artellarase a través da páxina web da institución, sen prexuízo da que poda realizarse a través de outros medios de comunicación social.

A presente memoria xustificativa elévase á Secretaría Xeral da Institución para o seu coñecemento e impulso do expediente de concesión da subvención proposta.

Santiago de Compostela, 17 de xuño de 2015

O Asesor



José Ramón Cólera Leirado

Sr. Secretario Xeral do Valedor do Pobo

## RESOLUCIÓN DO VALEDOR DO POBO

Vista a solicitude formulada polo coordinador do “I Congreso Ibero-Americano Sobre Novos Desafíos Xurídicos” convocado para os días 29 e 30 de outubro de 2015, e avaliado o informe de existencia de crédito, a memoria xustificativa e a dilixencia de ordenación do Secretario-Xeral, e tendo en conta o interese do mesmo para a Institución do Valedor do Pobo


### RESOLVO:

Conceder unha subvención de mil catrocentos noventa e un euros con sesenta e un céntimos (1.499, 61 €) euros á Universidade de Santiago de Compostela para contribuir á financiación do “I Congreso Ibero-Americano Sobre Novos Desafíos Xurídicos” convocado para os días 29 e 30 de outubro de 2015, nas condicións e cos requisitos sinalados na devandita memoria.

Santiago de Compostela, 17 de xuño de 2015

O Valedor do Pobo  
(en funcións)

  
José Julio Fernández Rodríguez



*Intervido e conforme*  
A Viceinterventora

  
Carmen Ferenández Dasilva